

續修四庫全書

《續修四庫全書》編纂委員會編

續修四庫全書

上海古籍出版社

一四三六・集部・別集類

嫺隅集十卷

〔清〕趙文哲撰

一

忠雅堂詩集不分卷附銅絃詞不分卷

〔清〕蔣士銓撰

八三

忠雅堂文集三十卷（卷一至卷十三）

〔清〕蔣士銓撰

五四九

贈奉政大夫光祿寺少卿前戶部河南司主事建公
道碑文

南匯吳省欽撰

乾隆三十八年春定邊將軍大學士溫福次昔嶺討金川會六月己丑朔美臥溝失守戊戌將軍以師退距木果木北嶺不數里歿於陳戶部河南司主事趙公死之越九日子聞自雅州試署爲位哭之又三旬聞詔贈光祿寺少卿入祀昭忠祠予祭葬馳驛歸里蔭一子入監讀書期滿予官是冬小金川復平明年二月孤秉淵自京返旄而以書抵蜀先請爲隧道之文嗚呼公詩名在天下節義在國史有子世其業死亦可無憾而予

嫩隅集

碑文

一

言尤有信者憶戊子冬予使黔歸次淇縣時公坐漏言逮問盧見會事落職從雲貴總督令將軍阿桂討緬賊入滇驚相遇於道倚枯柳相泣語移時別其明年今將軍拜副將軍公從經略大學士傅恒出萬仞關歷猛養猛拱攻老官屯十一月緬酋降而公病先入關以薦得旨候引見又明年從副將軍駐騰越防秋又明年辛卯十月討小金川公從將軍溫福自永昌疾馳二十晝夜抵成都明年十二月小金川平遂移討金川會余視學入蜀謂賊平可與公亟見而秉淵亦從余而西以次年閏楔日返自木果木軍營傳語余甚悉時公已遷

官不三月而變作凡從軍六年至是而授命焉嗚呼難言矣公長予五歲丁卯秋以詩相質於舉場始定交自後王光祿鳴盛吳舍人泰來王考功昶黃司論文選錢詹事大昕曹中允仁虎在蘄州與公爲七子詩傳至日本其國相高棟爲七律人贈一章寄估舶以達人艷稱之而其後多自以少作爲悔錢以辛未奏賦行在授內閣中書至丁丑而王與曹繼之予亦與是選始過公高行之居癸未春兩家聯舫入京僦屋同與居後三年子弟攜家亦至居始析公兩放會試未得列館職而書局總裁官歷舉公分修平定準噶爾回部方略御批

嫩隅集

碑文

二

歷代通鑑輯覽大清一統志及未成之音韻述微鑑古輯覽熱河志諸書且俾總校均計日程課自余入詞館所纂書尙多然不及公十五六而公又以其間寅入西出僦直草詔令賦詩談讌俱不廢或賁文以佐祿入所不逮去年春四庫全書館局開一時績學之士多奏名入翰林賜進士其與公同獲罪者皆起而公積軍功稍遷過變又不爲同行者之苟免設公舉禮部必不直軍機不直軍機人知公學之博說之長而不知才之足倚以決事卽一言不密又非出有意退而授徒著書亦足以開益於人而傳於後乃援薦援留輟轉再四至以

身殉爲可哀也然公自爲高才生有忌而蟻以隱事者
其人後獲一官以死視之猶剃首之一映卽東華車馬
不失職之文人所辛勤而僅有者不朽果安在也夫亦
可無憾爾矣公諱文哲字損之號璞函世爲上海人學
使者以謂孝友純密舉優行壬午獻迎 鑾詩賦

御試一等第二名 欽賜舉人授內閣中書遷戶部河
南司主事 特贈奉政大夫光祿寺少卿曾祖廷炳祖
宏璧國子生候選州同知父紳歲貢生兩世以公故贈
徵仕郎內閣中書祖母張氏母張氏吳氏皆贈孀人配
張恭人側室萬孀人子秉淵承廕國子生秉冲秉淳秉

張

碑文

半

治秉治女一淑孫一所著羣經識小錄若干卷文集若
千卷嬋雅堂詩十二卷藏海廬詩四卷姬隅集十卷詞
四卷其歿也距生雍正三年九月二十九日年四十有
九以乾隆乙未年閏十月十五日葬於上海縣高昌里
系之銘曰黃歇浦東厥壤鹵斥挺生我公百夫之特其
出以庶匪產是居繫文是富繫儒是臞中歲服官榮自
稽古書局重申機庭旁午片言召釁萬里行軍論才密
請公胡不聞瘴雲際海雪山沒微六載寢戈
萬壽拜誥揃爪截髮緘題自滇致命自蜀中素定焉傳
有文苑史有死事公也兼之啓佑仍世浣花之溪有祠

慰忠以公首祀僉侑且恫謂公罔恫人孰無死泰山鴻
毛烏鳶螻蟻英英毅魄煌煌 賜旰我厚且故序言不
訾

張

碑文

四

叙

趙君璞菴與余生同郡長同學先後同官於朝君頗喜爲詩有所作則以眎余故知君之詩之工者惟余爲深而能言君之詩之工亦必以余爲最乾隆戊子君與余又均因口語被吏議頃之以阿大司馬奏請均從軍于滇舟車戎馬所至輒爲詩以自陳寫庚寅秋駐永昌會幕府無事君乃摠其所作編爲一集名之曰嫺隅且屬余爲叙余循誦再三茫然慨然歎君詩之工而不能知其所以爲工也或曰君博聞彊識其才如萬斛泉觸地而出隨其形之大小聲之疾徐長短靡不中節且自豫

嫺隅集

序

楚而黔而滇出西南徼外又二千餘里風俗之俶詭山川林莽之嶮怪烽烟礮石之可駭可愕皆前古詩人所未及故其取材也富而見於篇什者肆而竒余曰是則然矣子不聞黃帝之張樂於洞庭乎其卒無尾其始無首北門成聞之蕩蕩默默意不自得其能知樂之所以爲工乎雍門周之鼓琴也孟嘗煩冤索欬仰天太息至泣數行下當是時其能知琴之所以爲工乎觀君之詩亦若是而已矣莊生有言逃虛空者藜藿住乎鼪鼯之逕聞人足音蹙然而憊矣况乎昆弟親戚警欬其側者乎余之讀君詩如聞足音如接警欬悲喜交集久之仿

俚而不能去焉爾其惡能知君詩之所以工不能知君詩之所以工又安能言君詩之工乎余自從君南行君有作莫不繼聲焉其篇蓋珞珞相等間嘗取而觀之恤恤乎湫乎攸乎君不可以終帙然則余之詩且不自知其所以爲詩又惡能知君之詩哉君曰善夫子之言詩也蓋有深於知者矣因遂書以遺之雖然後之人苟考時以論世熟復而深思其必有能知之而且有能言之者矣歲在昭陽大荒落宿月青浦同學愚弟王昶拜手書

嫺隅集

序

二

嫩隅集卷一

發京師四首

上海 趙文哲 損之

言別忽萬里治行不十日登車卽天涯握手忍倉卒嗟
予負疚身槁悴甘自畢陽春物不遺奈此既朽質側聞
征南師初筮丈人吉腐儒抱區區敢與借籌密請纓志
自豪叱馭心轉慄有家別何悲悲至難自述

班馬慘不鳴北風轉蕭蕭峩峩廣寧門蜿蜒盧溝橋且
盡故人意斯須駐征軺升沈分素定行止踪難料鄭重
平生言不待信久要贈行與贈處努力名義劬三年別

嫩隅集

卷一

非遠感此齒髮凋君看橋下水東逝何滔滔

男治一尊酒女縫萬里裳可憐沾裳酒不及啼痕長我
衰壯懷減豈爲家室傷上馬出門去風雲鬱飛揚功名
非所期從軍激中腸兒女苦追送日斜上河梁揮之去
非忍病婦須扶將

初程次良鄉冬景苦易暮望京無百里雲山已回互乍
經驛路塵一日變衣素依然昨宵燈照影異牕戶涼颼
從西來槭槭撼庭樹落葉戀故枝淒咽似相訴哀哉葉
不如孤根託何處馬頭春明夢夜夜向南去

良鄉客夜寄曹習菴

勸駕辭何切臨岐倍黯然加餐君兩字去國我三年浩
浩風沙色悽悽僕御緣他時索居淚早送一燈前

酬王述菴見贈次韻

廿年香火感深盟萬里猶爲並轡行尙憶牽衣同拜母
眞從戴笠早稱兄驚看踪迹如逃劫忽對詩篇似隔生
爲話故園心轉壯要令絕域遍春耕

趙州城南舊有千秋亭是漢光武卽位處

符啓西來識功成北伐師千秋郿邑蹟十世漢家儀地
古風雲鬱時平障堦夷無萋亭不遠大樹有危辭

驛馬行

嫩隅集

卷一

二

石磊磊脫車輓沙淡淡柅車軸雙轅馬凌兢形如兩鰓
棘十里五里行不速短筆長鞭日相逐馬乎甚矣憊馬
感我知以臆對生不能走千里鹽車鼓車敢言恥無端
充置郵五鼠三花徒自喜縣官養馬求牧芻束計升計
日有餘官儲日耗馬日瘦吁嗟碩鼠碩鼠難與居堦雙
復振隻三暮三朝不一易朝行冰在蹄暮行霜在脊不
如邨舍牛負暄老翁同偃息驛卒跨馬但醉眠道斃還
聞貨馬革前身我非馬那能通馬語爾勿哀鳴步徘徊
路長日落又將疲爾股嗚呼安得驍騰萬匹雲錦殷銜
枚夜度銅壁鐵壁關縛賊馬上唱凱還

渡漳水同述菴

風煙極目浩縱橫晚渡牽船客共爭流急勢先吞滢衛
地雄氣尙帶幽并一宵候館知安托十月興梁苦未成
僅茸其半云須十一月始成每到印須動遙感清漳夾宅負平生

衛輝道中遇吳白華話別

僕夫相告馬相呼一慟相逢一語無幾日風埃顏面改
數年昕夕笑言俱身名兩負千秋事鄉國兼違萬里塗
憂患餘生吾似寄感君辛苦問妻孥

白華夜抵洪縣復遣急足惠書却寄

土銼風燈薄病侵知君念我擁寒衾分岐苦覺含餘語

嫺陽集

卷一

三

急遞欣看載好音書帖應求仁祖食覆樽彌感邴原心
分明淇水漸車處多恐今宵少夢尋來書言家累在都必不使有索米之苦並以辰沉而南宜節飲爲誠

將渡河至滎澤守風作

雷轉河聲怒霜侵馬色寒逕思操檣往彌覺濟川難地
險經龍戰風高稱鶚盤臨流重延佇客鬢感凋殘

新鄭驛舍見月季方作花偶折一枝附家書中戲

題三絕句

決決溪流度小車新田南去有人家渡河三日風光別
曲院低垣十月花

攀條把酒苦念念葉上輕埃葉底風多謝官人日相賞
不堪蕉萃驛亭中

家書兩字只平安老去秦嘉善自寬忽弄風懷寄殘朶
發函兒女笑成團

暮抵禹州述菴以事先行有作

海萍兩葉任風吹咫尺還教有合離戀北病啼原彳亍
圖南弱羽又差池頽橋月暗聞鐘候襄野雲荒頓轡時
三載對牀緣詎淺客心無那怕臨歧

裕州寓舍見黃楊一株蕊蔚可愛河以北所無也

黃楊高六尺冬日碧逾鮮策策攢柯密離離綴子圓就

嫺陽集

卷一

四

榮初得地逃厄暫逢年生意爾如許攀枝一泣然

過南陽宛南書院悼亡友袁古雪

宛南講席溯遺風回首人琴一慟中記送素冠貧且病
幾陪彩筆敏兼工十年獨念袁絲長萬里誰憐趙壹窮
多謝侯人相告語酒壚何處問黃公驛吏述君臨歿事甚悉

襄陽懷諸葛武侯故居五首

洵美躬耕土千秋一草廬勳名微管並出處有莘如巾
服漁樵裏川原戰陳餘定軍山下路倘憶沔南居
四海占龍臥蕭然賦考槃志原甘澹泊力足濟艱難渭
上身先殞隆中膝可安重過三顧地客淚感無端

崔徐二三子來往定欣然逸事風塵外高評月旦前襟
期梁甫曲生計漢陰田當日如終隱鴻妻亦最賢

宇宙名常在芳蹤錦水長人歌千尺栢公念百株桑涕
尚沾遺老魂應戀故鄉溪毛如可薦此地合祠堂

林竚真清絕風流彼一時如聞名士歎不負布衣知舊

井秋苔塌荒臺老樹欹彈琴人宛在下馬重威遲

有故井一見南雍州記又有避水臺武侯常登之鼓琴而爲梁父吟見荊州記

泊襄陽同述葵

岸樹川花望不分煙波如畫碧紛紛渡江帆帶樊城雨

倚堞樓含峴首雲漢上題思追勝事襄陽傳欲續遺聞

嫩陽集

卷一

五

魚梁洲畔饒雞黍衡宇他時好共君

自漢水放舟南下卽事二首

襖被同登漢上槎六年不聽榜謳鴉容身已喜如居室

入夢渾疑是到家斜日趁墟宵喚酒輕烟壓水午鳴茶

南還我久忘官樣慙見船頭候吏譚

碧波翠嶼一程程細雨斜風撲面迎沙步閑容村特臥

烟帆低傍渚禽行潤留硯墨吟初罷寒勒簫香夢未成

忽憶吳中十年事夜船燈火按銀箏

雨

楚江風急晚停橈漁鼓初迴戍鼓飄原是小牕剪燈雨

打來篷背倍瀟瀟

澤口阻淺

我乘漢江舟三日風利北川郵六百餘長年但偃息嘿
念窮途人倏假造化力恐此非分遭前路浩難測凌晨
及澤口沙土苦填塞布帆美滿吹失勢在咫尺冥冥雨
聲沈沈淅淅雲氣冪冪逢窻對童僕日暮愁思迫詎云貪利
涉官程懼差忒舟人黯無語苦寒敢自惜凌兢立水中
邪許酸且激葭蘼亂無次其下雜碎石不知兩踝傷水
面忽浮赤儒生果何裨累爾有誰恤古稱潛既道漢乃
受厥職南流達江陵一葦利其直胡爲跬步間坐使行

嫩陽集

卷一

本

旅厄吁嗟濟川心作楫亦何益

夜宿澤口大風雨苦寒不寐作

澤口一勺水不送一葉舟一挾風雨勢如雪浪打頭南

行謂就暖未爲禦寒謀中宵擁絮被輾轉無時休邛雞

噤不號焉能辨更籌我生困津梁中年念菟裘豈知一

差跌迫遽投炎燄坎止果孰尼流行亦何求起挑蓬窻

燈偶影如楚囚狂飈聽轉橫欲倒江漢流朝晴驗水誌

依然芥均不

自澤口循江隄陸行二十餘里至田關復登舟卽

事五首

潛江三日住捨舟忽違陸勞人故草草安便豈吾欲破
曉雨初霽艸樹靄如沐日出烟未散聞雞辨茅屋肩輿
苦欹側輿卒雜樵牧所欣風土佳笑語共僮僕宛然故
鄉景娛此異鄉目

人行在隄上人家住隄下邨舍緯風蕭間以鱗鱗及冬
畦如刻鏤土膏融欲鴻時見挑菜人帶雨綠盈把

種竹隄之東陰繞我屋西隄藉竹根固屋亦資藩籬直
幹以爲柱捨地攀亞枝生意走不斷風葉青差差樹槿
苦易敗插棘刺我衣編竹誠大佳所恐束縛之春雷籜
龍怒赤手安得施

嫩鵲集

卷一

七

連邨少雜樹高榆間疎柳想見首夏時濃綠到谿口楚
天小搖落榆葉復何有柳枝尙垂垂微黃拂馬首柳脆
榆質堅別自匠人手耐霜乃相反此理頗難剖誰與盟
歲寒榮瘁亦其偶

捨舟復入舟客心從所如筆牀與茶竈依然得相於自
我出國門旅夢昔殊兀兀馱瘦馬搖搖載單車斯須
屢斷續何處尋去途連宵楚人船雨聲戰黃蘆聽風復
聽水無眠對燈孤今夕煙月澄營魂自嬉娛大江流未
央我其夢歸歟

荊州懷古六韻

嫩鵲集 卷一

荆楚

古郢依然問楚疆北雲南夢鬱相望論都自昔雄江介
設版從茲盡漢陽絕代風騷垂屈宋累朝諷諫接姬姜
渚宮遺事今餘幾三戶無人草樹荒

漢臨江王

百里桐封溯漢年被徵猶自望言旋餞筵有識嗟車軸
對簿無辭訴廟壝尺布斗糧空復爾金牀玉几故依然
不徒父老悲流涕飛燕卽泥上墓田

昭烈帝

得增尺土定三分羣牧間關老使君巴蜀千盤資重鎮

嫩鵲集

卷一

八

襄樊一戰策奇勳沿江斷堠誠偷襲下峽連營亦憤軍
至竟英雄成底事怒濤如雪捲層雲

梁元帝

湘東文物管空班家國紛紜淚共潛木主逾年虛遠載
角弓幾日忍先轡茹車途葬何相逼壁馬徵朝亦不還
舊苑風烟苦蕭瑟白頭庾信賦江關

荆南

五經兒後門雞兒割據湖湘亦一時賴子未羞鄰共責
世家已見史常垂金隄捍水千犀力粉堞排雲萬雉規
雄楚樓前聽社鼓年年土主賽遺祠

明湘獻王

勝國維藩奕葉承辰園回首怨難勝談兵應悔誇馳槩
嗜學會聞愛翦燈鼉錯有謀惟削奪劉安無術更飛昇
太暉觀圯祠官罷風雨魂歸傍孝陵

鐵女祠

鐵女祠乃在江陵城之西北隅日暮謁祠下陰風蕩瓊
疏蹲蹲兩積鐵血鏤交模糊想見躍冶日能於斷爛留
此不壞千金軀吁嗟二女信奇絕心耶骨耶兩如鐵厥
考姓孫名不傳以冶爲生在唐年淳于所坐是何罪
榮無處呼高天父在獄女守爐灰飛雙蓬影淚落單布

嫩陽集

卷一

九

襦門前老樹啼夜烏姊也申申妹嗚嗚緹縈苦未識一
字庶幾一死可代千言書吁嗟二女窮窈窕視此百沸
鏤清冷淵不如連袂駭一擲雷索無聲炭亦熄精氣入
鐵鐵不頑大勝黃金爲顏色行人下馬拜居者羞椒蘅
巋然江漢間風化式里閭君不見干將莫邪古稱至神
物誰其死者鴻毛輕

趙臺卿墓

臺卿經術士慷慨使荊州志以直扶壯身緣老病留畫
圖資尙論瑩域見貽謀不共登樓客重爲鄴下游

樂戶行

明末流賊張獻忠入荊州自稱西王時惠邸樂
戶有瓊枝曼僊者以色藝擅名獻忠召以侑酒
瓊枝罵賊不屈賊脅以刃瓊枝罵愈厲曰汝技
止此耳吾何畏羣賊脅之以飼犬而曼僊則極
其技能爲獻忠所寵遂乘間量毒於酒以進獻
忠昵之令先飲曼僊色變不得辭飲而立斃獻
忠覺其毒亦殛其屍

嫩陽集

卷一

十

獻賊來城門開王早遁官乞哀西王府中晝宴啓脣觴
才人自朱邸獻賊喜瓊枝怒樂戶雖賤非賊伍玉肌白
刃兩如雪一笑相從飛碧血獻賊怒曼僊喜樂戶誠賤
堪賊餌醜賊不飲令先飲恨不宵來殺諸枕噫吁嘻罵
賊賊怒一死輕古有之雷海青昵賊賊喜一死避古有
之高漸離堂堂兩樂工千載耀青史不謂江陵城更有
弱女子

宋玉宅

哀怨靈均弟風流子美師江山留舊宅雲雨托微辭過
楚吾何適經秋客更悲蘭成今白髮腸斷結茅期

申包胥廟

伍員昔亡命一士力可縛如何道左偶班荆公義私仇
互然詰班處宮鞭及墓吳毒已逞楚斯怒七日哭秦庭

一戰復郢城慷慨無衣詩吹爲楚歌聲乃知古人志事
視所處迫人於險斯勿取獨不見江上漁漁中女

江亭絕句

黃山谷夢吳城
小龍女處也

繫纜江亭下沙鷗共夕眠更無人入夢風露罨空船

漸臺行

嗟哉尾生抱柱之信誠經女子有行乃利貞我哀漸
臺人試作漸亭行臺上楚王游臺下楚江流江平送王
去江漲妾獨留金環進御古有法召必以符王命妾使
行符不行水高與臺平妾願臺上死不願臺下生嗚呼
春秋二百四十年形管之書少所可獨有兩姬姜一死

嫩隅集

卷一

五

激頑濡楚臺水宋宮火

夜至沙市登舟

晚行到江市重問渡江舟沙白明漁步燈紅隱驛樓
烏邀水宿塞雁導川郵一昔虛聯榻尊前話未休
所留
舟宿
偏仄是夕將
與述弄分宿

過江至虎渡口

古岷江自今枝江縣分流東南行故禹貢云東
至於澧今北江正流並不合澧乃古之沱水自
南流日微而北流乃專受大江之名此虎口渡
猶南岸分流達澧州之遺蹟也

古渡臨江介分流近若何自東仍至澧迤北別爲沱驛
樹迴寒照汀蘆颺夕波天涯搖落感眞覺楚南多

屏陵呂侯祠

地控荆湘此最雄英名猶在霸圖空生能開卷分陰業
死得封侯尺土功竟遣白衣來北岸渾忘赤壁縱東風
湘江遙接蠓磯水嗚咽還應怨阿蒙

澧州道中寄程荆南衡州

澧水東流下洞庭蒸湘亦抱合江亭如何遠浦捐芳佩
不共佳人醉渌醑難後夢魂頻錯迕病餘書問費丁寧
蓬牕獨聽瀟瀟雨官燭無花也淚零

嫩隅集

卷一

五

湖口夜泊聞鄰舟吹簫偶成五絕句寄江于九寶

慶

微波遠更平寒雨疎猶滴何處過湖船載將數聲笛
滅燭悄無語烟波轉渺然平生聞笛淚灑到洞庭船
沙柳碧無情臨風送我行誰言武溪曲多是玉關聲
人宿蘆之漪後啼青楓樹曲終不知名月落峭帆去
我行茹水外思子莫江潛忽憶青溪步瀟瀟暮雨時

滄浪水

滄浪之清如碧昔昨日濃陰今始開偶然鼓枻故人並
聊爾濯纓漁父來晉帖題柑寄書遠楚騷頌橘行吟哀

南荒遷客未蕉萃佳絕江潭首重迴

聞雁和述菴

萬里孤征客程起雁行一聲聲欲斷今夕近瀟湘

武陵

沅水清冷不作濤江城如畫接林泉此間沈黍還招屈

湘羅在今湘陰而武陵有招屈亭競渡甚盛他日逢花定憶陶笋味貯曾論

壓擔柑香破甲喜充包開頭伐鼓舟人樂聞道灘流只

半篙逆流水淺則勢緩易上

和述菴食筍橋有感二首

北食珍冬筍今來得飽嘗色疑衝雨劇味愛裏泥藏舊

嫩陽集

卷一

三

日居鄉里輕雷度水塘玳尖紛滿路最憶共攜筐

京雒違柑節荆湘度橘春香盈憐觸手甘溢訝流唇家

計千頭重鄉書百顆珍感君懷袖意繫我獨沾巾

舟中至日

草草流光駐勞勞遠道難問人知短至掩涕話長安江

驥漁燈亂城荒戍角殘誰憐賜辛節旅食共溪蠻

至日寄內

曾說移家遠市塵

余出都後將移寓官菜園

南榮好著病餘身客居

又度添絲節子舍

子婦於今夏抵京

暇日竟須娛

棗栗故園且緩念松筠安眠斷却天涯夢霜驛烟津捻

未真

沅江二首

我憐沅江樹夾岸碧無次搖搖送我船遠近非一致楚

雨日夜零千林振哀吹生非歲寒姿中此悲哉氣如何

轉依依對客弄蒼翠乃知古誼士飄泊隨所值別有千

古抱未敢淪槁萃攀條重裴回風葉忽交墜亦如感物

者慷慨一灑淚

我憐沅江波悠悠自千里漣漪不盈尺下有石齒齒我

乘上水船沿綠信葭葦如何臨流望不見古芳芷遠道

曷以貽微吟空倚徙將毋地氣變蘭艾隨所使亦或騷

嫩陽集

卷一

四

人言寓物懷彼美扣舷我何之日暮求未已

楚貢亭

宋真宗祥符中封泰山詔求楚包茅所謂三春者有沅江民王皓自言能辨之得以進獻芬烈異於常茅自是遂為常貢亭以此名王儒真有楚貢亭記略

菁茅誰辨脊茸茸尚有修亭記舊供包匭已虛周職貢

芳馨偏應宋登封頻年宮觀資彝勺幾處壇壝藉璧琮

太息萊公仍放逐祇園草沒酌泉蹤

武陵甘露寺有萊公泉

經桃源縣作

兩日行桃源溪山致瀟灑縣古無城垣官衙接林野其

南綠蘿山沅水繞山下漁詠不知處流音與波瀉時於

煙樹中隱隱見廬瓦卜居洵可樂草堂貲孰捨陶公義

熙後神州徧戎馬平生抱區區未肯避蓮社夢中華胥
游託此聊自寫今時際泰和犬吠夜邨寡仙源在人間
翻笑問津假他日谿花紅我亦捕魚者

過桃源初上一灘名毛簑子

灘流清可憐阻石形勢變一望江空濛如雨復如霰
牙數峯峙中各通一綫石立水亦立飛浪搏人面水中
八尺篙水際百丈緯遙遙相叫呼有若赴急難當其入
險時出死力與戰昔稱倒水巖靈秀桃川冠龍溪碧玉
流茂竹紛可玩離上為靈丁峯峯與倒水巖相望卽水經注所云沅水東歷三石澗秀若削成茂竹便娟致可愛玩者也龍家溪亦經此南注於沅水幽景不我娛徒令飽憂患

嫩隅集

卷一

五

何處漁仙菴聞鐘起三歎

穿石

童僕忽絕叫一峯駭鬼裁崩濤湧其足香泉初渡河牛
空見洞穴貫穿厥腹幡通明徹八牖竊曲藏一窩日月
互照耀雲煙疊經過不知造物者何處施斧柯作此大
狡獪奇舛脫曰窠我欲拄藤杖壁立無盤陀匆匆限于
役所遇皆逝波

舟行甚遲偶書二絕

兩人恰愛小溪航雨雨風風路倍長已是三朝辭杜渚
烟波何處古辰陽是辭朝發杜渚夕宿辰陽杜渚今武陵縣辰陽今辰溪縣行已三日矣

猶隔兩日程也

雞犬連邨亂夕煙清游回首負桃川可憐魚網溪邊柳
不繫征人上水船

暮抵白石灘乘月復行

後顧水奔壑前望山塞塗豈知一灘轉明流真渺如山
雲不成雨因峯態何殊忽與谿雲合艸樹交模糊不見
同來舟但聞煙際呼何處可小泊且就蘆中漁
月出烟霧開乘夜片帆動愧此漁舟翁水鳥正同夢我
起滅燈燭坐覺清寒重水華打船頭船尾風華送所恐
波中石牙角頗豪縱偶然貪利涉要害往輒中快意

嫩隅集

卷一

六

轉怯語僕僕勿諷離行我何知別有驚弓痛

崖石

崖石天所縱萬變變益工曉起不暇盥拄頰風露中盤
盤積圓廩圯圯排高墉蹲蹲獸攫物矯矯禽拏空雨餘
花垂朶雷後笋迸叢累碁並累丸若堂兼若封畫于窮
皴抹賦心失形容轉喜稍平遠舒我駭歎冒巢居見木
杪欹側撐烈風其下隱幽谷樵詞去安窮茲景亦一奇
沿洄信孤蓬再拜祝石丈毋犯奔流衝

虎子磯

奔流忽然來一落踰一丈扁舟如巨魚騰躍不得上彎

環篙師篙簸蕩槳夫槳仗此一絲緯萬牛迴偏強筋脛
何太逼著趾不容兩可憐一失足下飽藥與魁何年懸
鐵絙穿石若施鞅嗟爾牽舟人如顛得扶杖始知失所
依跼步限攸往

明月巖

乍脫一灘險又逢一峯奇一峯撐青空斗絕不可梯誰
於兩厓間飛橋架虹蜺想見修竹林微逕通招提鐘魚
憂雲表聲落山下谿谿流與相應杳然去何之借問鸛
鵲若何處營苗茨暫游尙無暇慙愧津梁疲

自魚子洞抵雷洞清浪二灘怪石亘四十里爲灘

椒隅集

卷一

七

行絕險處

山無一寸石水無一寸土大星倒河漢磊磊自太古一
望吁可怪風吹髣毛豎孰陳百萬兵絕不依隊伍立者
啼怪豕臥者瞰饒虎大者亘數畝銳者卓一柱亟奔羣
相從特起旅而拒左右互衝突不知爲誰侮三壘峙龕
楮中復陣散五駭機不可踏門門激飛弩可憐孤征魂
闐然入其阻千篙與萬篙射石石轉怒磨牙伏以伺
相顧噤邪許竟於劍戟林爭此一鉢黍四十里而遙奇
弄亦何苦呼天天不驚橫空撒白雨

雷鼓數百面作氣音未絕誰將萬層浪散作炎荒雪于

時天重陰山山叫哀狖久客性命輕輕舟重超越石陣
勢忽變沿江布勁卒步步接短兵一入復一出日落路
彌長四顧氣欲奪側聞矍鑠翁穹祠冠戴薛將母土室
病於此避毒熱灘風捲靈旗遺恨怒濤沒噉詞乞神休
臨江灑牲血我行萬里遙半途此弭節朝聽灘聲號暮
聽灘聲咽扣舷重悲歌鐵遂爲破裂

苦雨

惡灘喧十里苦雨颯五更繫舟楓葉落哀復還亂鳴誰
令一寸腸攪此千萬聲斯地楚南裔屈子所屢經溪山
和哀怨假物鳴不平我行異流放何爲涕交傾拭涕轉

椒隅集

卷一

七

自咎太上慙忘情長安有兒女挑燈念孤征此詩不忍
寄此聲難共聽

大風過芝草白榕諸灘

夜雨聲蕭疎晝雨勢稠密山川水雲中凝望渺如一今
日灘稍平得雨翻蕩滴小舟駕長風輕矯故無匹水石
自豪縱狙勝犯倉卒中流一洄漩長年爲股栗豈知十
幅帆空際破狂獍篙櫓未及施卅里速傳驛竟以不戰
勝此理陰符述貪天亦何功靜念爽若失行人幸無恙
何啻破冢出

日暮風更橫橫空與水搏水亦飛怒濤直向柁樓落

風水自相闕吾命果安托瓶盎登有聲衣屨濕難著低
蒲二三葉一走不可縛緣溪石巉嶢未敢著吾脚進止
兩無計指顧徒駭愕天憐我淹滯亦憎灘勢惡送以飽
帆風使知壯游樂惜無萬斛舟橫海截蛟鱓小舢薄於
紙豈足試盤錯繫纜餘驚魂言就荒戍拆一望波連山
徒侶何處泊是夕與僕人舟相失

將至沅陵過諸灘作

橫石連九磯俱灘名灘勢亦浩洶石如羣羊眠所喜角不
聳舟子笑相狎不待頻戒並彎彎絳在胥活活水浮踵
兩灘半日過勞消亟思捧汝勿向我說母乃小敵勇

椒隅集

卷一

九

沅陵

邨墟散忽聚溪山遠且平薄雲逗林罅遙見江上城蠻
俗革已久武谿瘴煙清版田喜冬暖麥苗茁青青頗聞
田父語地接黔與荆比年征南旅插羽紛縱橫朝過奉
使節暮宿朝

天旌尙賴

國恩厚黽勉安犁耕官今有何急水陸馳兼程甚媿田
父意解纜鳴銅鉦爾勿妨爾業我亦從軍行

瀘溪縣

清絕瀘溪縣城臨兩面谿郭門青聯合驛候碧山齊帆

挂風初北脊懸日又西連邨知歲稔十里亂鳴雞

自白沙灘至白龍巖所見石壁甚奇紀詩二首

前賞厓石奇奇以百變勝不變變愈奇斯極看山興瀘
溪溪又南廿里石壁亘疑遭巨靈劈斬絕無阪磴言言
復仡仡一望徑且陡上積萬古苔猿鳥滑難凭陰竇滴
乳泉天寒欲成凌我思尋其源隔山斷雲磴何處樵斧
音丁丁與篙應

石巖去不窮彌嘆所歷妙混沌自太古誰爲鑿其巖嵌
厓圓如厂穴壁方似塊了了見室廬楹櫺架竚篠旁有
艇子橫水至疑可擢又有器若甕重疊弄惟肖云是僊

椒隅集

卷一

十

者居匹諸壺與嶠又云積軍儲遠自葛侯造志乘猶謬
悠俗傳豈典要我誦九歌篇巫祀遍南徼湘霽載雲旗
出入玉女導傳芭太乙祠有儼執珪珥嗟哉山阿人蒙
翳隔陽曜薜衣生暮寒野處徒睇笑石房天所營後犹
爲除埽去庶幾風雨夕于斯藏窮窺蕙櫨兼芝栢亦或
補蘿蒿去應許楚江疊噉辭泣相弔我本離憂者偶此
展幽眺褰裳阻微波吟些不成詞遠游重然疑蓬下冀
予告

辰溪望大酉觀

瀘溪接辰溪計三舍而遙縣郭枕溪水喧喧雜漁樵堞

樓何岌岌戴以巨石牢隔岸大酉觀如霞冠單椒冷然
清磬響時逐谿雲飄頗聞闕靈冊遠自似與姚龍威守
局鑰不使俗手鈔我思聖人心典謨已昭昭焉得有怪
昧祕之若鴻苞殆卽百篇書永並瑯環賴外或貯邱索
如鑪佐弦匏後儒亂經訓烈於秦燄燒大航及破豕萬
舌同沸蜩真本倘復出明兩螢爝消終當挾此洞不畏
風霆遭

晴

十日九風雨楚南信難居晨興喜新霽支枕臨清虛日
華散林薄射水水欲無惟見荇藻影風動石與俱一灣

懷集

卷一

圭

抱一峯鏡裏裝束殊奈何對暄景雙眉猶未舒薄雲弄
晴姿遲遲共縈紆山容自相媚含睇翻愁予似問看山
者懷抱今何如

夜夢

夜夢一何遠吳淞尋故園老梅八九樹竹外花已繁依
窗風雪中暮歸叩柴門二親宛無恙拊我有涕痕絮語
十忘九一語摧心魂謂我勿渡江風波苦崩奔我婦儼
在側爲母進晚飧亦有牽蘿人掩冉寒燈昏恍惚識已
死與我話塞垣亡妾萬幾于去秋出塞時故見於夢者如此舟子起解維驚
醒灘正喧鮮民今幾載殞宮委荒邱自爲長安客家祭

仗弟第一江戒無渡萬里逾湘沅他時幸生還何以從
九原存者天之涯亡者青楓根白頭卽長路負負無可
言

長歌行寄陸耳山

陸敬輿有荒莊趙元叔有空囊一貧至此非所恨但恨
一出入相避成參商與君結交久樂事挂人口銷夏
雲林壁上泉壬午季夏與耳山並載至武林同寓湖上者二旬錢春繡谷花前
酒此已卽同游吳下事問君昨從吳越賦皇華舊句已
籠碧紗否萬人海中藏我六載餘君亦兀寄宣南坊畔
廬藏海兀寄于與耳山所居兩廬頽也淡淡青瑣闌滑滑白玉除十行之

懷集

卷十

圭

詔萬卷書與君朝朝暮暮登驅如今春歌上
陵去秋歌出塞
屬車豹尾間簪筆兩人在偶然拍馬攸飛前草檄飛書
立而待壬午同年生與君同命烏長安鴻泥蹤跡何足
誇別有千秋共懷抱我昨一跌君不知國門一出十步
三威遲計程謂當於此傾蓋語嗟哉楊朱之淚空灑岐
路岐行者萬里塗居者萬里心楚山漸漸水淫淫猿啼
雜鵲啼楓林連竹林孤舟載烟雨山鬼晝夜吟知君朝
回一燈對風雪夢中千巖萬壑與我同登臨陸敬輿趙
元叔曷不雲龍共追逐詩題日南至書到日東陸詠梅